



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. II. An, & qualiter Superiori loci dispensare possit cum vagis, &
forensibus?

[urn:nbn:de:hbz:466:1-73031](#)

1112.

Responderi etiam potest cum Abbatे in cit. c. *Ad nostras*, n. 5. & c. *Ex literis*, de probat. à n. 11. assignatam à Pontifice rationem in hoc textu, quod debeat esse personalis distinctione inter dantem, & accipientem, non esse generaliter accipientem; sed tantum in ea materia beneficiorum; cùm non sit conveniens, ut Prælatus, beneficiorum distributor, sibi ipsi conferat, tum ad cavendam terreni lucri cupiditatem; tum beneficiorum in una persona pluralitatem; cùm per hoc divinus cultus diminuatur. Eandem solutionem habet id, quod adducitur ex cit. Clem. II. & L. 1. loquitur enim solum in certa, non autem ea materia, de qua in præfens quæstio est. Ad hoc autem, quod in fine obiect. n. 1107. dicitur, sequi, quod Superior valens subditos suos liberare à censuris, etiam posset se ipsum. R. N. seq. nam censuræ tolli non possunt nisi absolutione; absolutio autem est quædam sententia, & actus jurisdictionis contentiose, quæ non exercetur in se ipsum, sed in alium; nemo enim à se ipso cogi, sententiari, absolvi, aut condemnari potest.

1113.

Instabis: ergo saltem se absolvere poterit ab irregularitate, depositione, & alijs inhabilitatibus, à quibus potest suos subditos. R. cum distinctione, & concedo illatum, quando ea, de quibus loquitur, sunt ab ipso jure non præcisè ad Prælatos restrictæ; non autem, quando sunt per sententiam ab homine, vel à jure tantum pro Prælatis. Ratio primi est, quia altior Superior potuit subordinato committere vices suas, ut cum suis subditis, & secum ipso dispensem in omnibus pœnis, & irregularitatibus, quæ sunt à jure communiter, hoc est, non præcisè ad Prælatos restrictæ; & ne deterior sit subditis, sic concessè merito præsumitur. Ratio secundi est, quia præsumi non potest potestas Prælatis ab altiori Superiori commissa, quod Prælatus immediate, aut mediately per alium à se electum, possit se liberare à pœnis præcisè restrictis ad Prælatos; ex hoc enim ei negato non evaderet deterior subditis quoad communem favorem; imò probabilius est, nec commissam illis potestatem dispensandi cum subditis in his, quæ per sententiam specialiter latam ab homine incurruuntur; cùm hoc obster virtuti coactivæ, quam habet imponens

eiusmodi pœnas, quin communiter eam alijs committant.

Ad id, quod dicitur, neminem sibi subjici, quod tamen fieri deberet, si Superior secum ipso dispensare posset in aliquo. R. id fallere quoad actus jurisdictionis voluntariæ, ut præmissum est; nec universum procedere spectata natura rei; sed solum in certis casibus; in alijs autem solum dispositione juris. Deinde ad summum sequitur, quod Superior, & subditus, dans, & accipiens, in casu præsentis controversiae non possit esse idem realiter, & juridice; secus, idem realiter, sed non juridice. Nam Superior liberans communitatē aliquam, seu dispensans in aliqua lege, potest eo ipso etiam gaudere tali dispensatione, tanquam pars communitatē dispensatæ; & tamen in quantum dispensans, & dispensatus, est idem realiter, sed non juridice. Sic, cùm Episcopus in sua dioecesi dispensat cum communitate, ut non tenetur jejunare in peregrinatio S. Mathiae, incidente in feriam tertiam dierum antecinalium, & satisfaciat Sabbatho antecedente Dominicam Quinquagesimæ, licet non jejunet cum dicta communitate illâ feriâ tertîâ; quia in quantum pars communitatē dispensatæ non consideratur ut Superior communitatē.

§. II.

An, & qualiter Superior loci dispensare posset cum vagis, & forensibus?

D E vagis communis tenet, eos posse dispensari ab eo loci Superiori, ubi actu sunt; quia, cùm non habeant certum domicilium, seu habitationem permanentem, vi cuius certo Superiori permanenter subditi sint, ratione transitus per locum aliquem, subjiciuntur Superiori loci, in quo transeunter sunt; ergo in quibus dispensare potest cum suis subditis, in ijs etiam dispensare poterit cum vagabundis; ita Sanchez l. 3. de matrim. D. 25. n. 5. Lessius l. 2. de Just. c. 40. D. 18. n. 121. Et ideo n. 582. tanquam probabilius tenuimus, vagos teneri etiam legibus municipalibus locorum, per quæ transeunt.

Difficultas est de forensibus, & peregrinis. Nam aliqui tenent, peregrinos, & forenses,

forenses, etiam si brevi tempore morentur in aliquo loco, posse à dicecelano illius loci dispensari in legibus, votis, & juramentis, sicut possunt reliqui ejus subditii; sic Basilius de Leon. l. 8. c. 5. n. 7. Alij requirunt, quod illuc veniant, animō ibi habitandi tempore diurno; quia sic habent quasi domicilium; ita Sanchez l. 3. matr. D. 23. à n. 12. alijs requirunt, ut in tali loco sit domiciliaris; quia secūs non est ejus Parochianus, nec verē subditus; sic Barbosa p. 2. de potest. Episcopi, allegat. 36. n. 18. quamlibet harum opinionum satis probabilem censet Castropalaus P. 1. tr. 3. D. 6. p. 7. §. 2. n. 5.

1117. Ceterū conformiter ed ea, quæ à n. 581. respondimus ad quæstionem, *qua ratione lege, seu statuto teneantur forenses, & peregrini?* probabilius videtur 1. eos ab Ordinario loci dispensari posse in legibus, *quibus peregrini ligantur*, municipalibus, & statutis locorum, per quæ peregrinantur; sicut enim ad rectam gubernationem pertinet curare posse, ut omnes in eo loco commorantes, legem observent; ita etiam pertinet, posse cognoscere, an obligatus lege, petens dispensari, justam exemptionis causam afferat? & si talem esse apprehendat, ab onere talis legis secundum exigentiam causarum eximat; alijs enim peregrinus ratione brevis inibi moræ plus gravaretur, quāc cives ratione incolatus perpetui; nam hi cum onere obligationis a suo Superiore solvi possent ab onere imposito; non isti.

1118. Dixi: *quibus ligantur.* Nam etiā communiter Authores doceant, in sex casibus, de quibus agimus à n. 570. forenses teneri statutis localibus; sub lite tamen inter Doctores est, ut notavimus à num. cit. an extra illos sex casus teneantur statutis, & municipali lege locorum, per quæ transiunt? & quamvis probabiliter affirmativa sequatur Castropalaus *ibid.* relatus, & quē tamen probabilis est negativa, quando statuta localia respicunt commune bonum duntaxat *generale*, de quo V. dicta à n. 571. & seq.

1119. Videtur 2. valde probabile, cum peregrinis Ordinarium loci posse dispensare *in legibus communibus*, in quibus potest cum suis subditis; ita Castropalaus *cit. D. 6. p. 7. §. 2. n. 5.* Cūn enim obvenire possit *casus*, quod peregrinus in loco, per quæ

transit, ex causa sufficienti pro dispensatione, indigeat ejus auxiliō; & puniri possit ab Ordinario loci propter transgressionem legis communis etiam in ejus territorio factam, non est, unde non subjiciatur eidem in ordine ad dispensationem in communī lege; cūm sic sufficienter sit subditus ad hunc effectum.

Dices: Congregatio Concilij, prout refert Farinacius, *seq. 24. c. 6.* declaravit, fo-

1120.

renses, & peregrinos posse absolvī ab Ordinario loci, quā transiunt; *non tamen dispensari.* R. 1. juxta doctrinam traditā de declarationibus dicta Congregatio n. 917. Resp. 2. Castropalaus *cit. n. 2.* id non esse, quia deficit jurisdiction, & potestas ad concedendam dispensationem, sed quia regulariter deficit causa requisita. R. 3. ly, *non posse dispensari*, in ea declaratione sufficienter salvari, negata talibus Ordinarijs dispensandi facultate, quæ illis tribuitur *indefinitè*, etiam in votis, &c.

Videtur 3. probabilius, peregrinos, & forenses in votis, juramentis, aut alijs impedimentis singularibus non posse dispensari ab Ordinario loci, quā transiunt; ita Suarez l. 6. de votoc. 11. n. 11. & complures alij relati à Sanchez *cit. l. 3. D. 23. n. 11.* Rationem reddit Castropalaus *cit. n. 6.* quia hæc potestas & jurisdiction multū pendet *ex consuetudine*; si ergo per consuetudinem, ex qua pendet ea jurisdiction dispensandi in votis, juramentis, & alijs impedimentis particularibus, non sufficiat subjectio habitualis transiuntis, aut *solum longioris commorationis*; quæ tamen non faciat *domiciliarem*, in non domiciliarem ea jurisdiction exerceri non poterit; at non sufficere subjectionem, nisi *domiciliarem* pro ejusmodi dispensatione, probabilius reddunt plures Cardinalium declarationes, quas refert Garcia de benefic. p. 11. c. 10. n. 139. requirentes in ordine ad hoc, *subjectionem titulo domiciliij*, quod non contingit sine animo ibi perpetuo manendi, ut constat ex L. *nihil interest, 25. ff. de captiv. & postlimin. revers.* ibi: neque enim satis est, corpore domum quem redisse, si mente alienus est.

1121.

Neque paritas à Sacramentis pœnitentiæ, ac Eucharistiæ, quæ Ordinarius loci ministrare potest peregrinis eō transiuntibus, sumi potest ad votorum & similiū relaxationem; nam quoad illa propter

1122.

pter ipsum necessitatem adest Ordinariorum concessio, ut ex communi usu constat; secūs quoad vota, juramenta, vel impedimenta specialia; nisi meritò præsumi possit ob urgentem hic & nunc necessitatem, quæ non patitur recursum ad Ordinariū domiciliarem. Sed tali casu Ordinarius loci ageret cum ejusmodi peregrino solum ex præsumpta voluntate Ordinariorum, ad quos hic pertinet ratione domicilij.

- 1123.** Dices: c. *cum nullus de temporib. ordinat. in 6.* dicitur, quod nullus Clericum alienæ Parochiæ debeat, *præter Superioris licentiam, ordinare;* cùm ergo textus singulariter de Sacramento Ordinis requirat licentiam *Superioris* (quo nomine intelligitur is, in cuius diœcesi promovendus domicilium habet) ad reliqua Sacra menta recipienda, & dispensationes obtinendas tacitè insinuare videtur Superiorē habitationis saltem diuturnæ sufficere. *R. C. ant. N. conseq.* quia in dato c. non erat quæstio universalis circa jurisdictionem Ordinariorum in homines alienæ diœcesis; sed solum particularis, an, ut quis licet recipiat, & alter conferat *Sacramentum Ordinis,* sufficiat qualiscunque subje ctio ordinandi ad ordinantem? & responsum est, quod non, sed requiri, quod vel sit ejus diœcesanus habitatione, ac domicilio; vel legitima licentia, & dimissione Superioris diœcesani ad alium.

§. III.

An Metropolitanus dispensare possit cum subditis suorum Suffraganeorum?


- 1124.** **S**uppon. 1. quod Metropolitanus nullam habeat jurisdictionem in subditos suorum Suffraganorum extra casus in jure concessos, ut dicitur in c. *Pastoralis 11. de offic. Ordinar.* ubi habetur, quod Archiepiscopus causam, ad se per appellationem delatam, committere possit subditis sui Suffraganei; non tamen possit invitum compellere ad eam suscipiendam; cùm, exceptis quibusdam casibus, nullam habeat potestatem. Idem expressè dicitur in c. *1. de foro compet.* in 6. per complures S. S. & alibi.

1125. Suppono 2. casus, in quibus Metropo-

litanus in subditos suorum Suffraganorum jurisdictionem exercere possit, esse sequentes. 1. si causa per appellationem ad ipsum devolvatur, ut dicitur c. 1. *de offic. Legat.* ibi: licet Archiepiscopus metropolitico jure audire non debeat causas de Episcopatibus vestris, nisi per appellationem deferantur ad eum; quod etiam habetur c. *duo, 9. de offic. Jud. Ord.* nisi per consuetudinem, vel privilegium habeat, ut etiam extra casus in jure concessos in eos jus dicere possit. Secundus casus est, quando res ad ipsum devolvitur propter negligentiam Suffraganorum; sic gloss. in cit. c. *Pastoralis, V. Exceptis.* Hujus porro negligentiae casus complures refert Barbosa in c. *Pastoralis, à n. 8. cum primis autem Quaranta in Summa Bullarij, V. Archiepiscopi authoritas.* Tertius est, cùm ipse Archiepiscopus visitat diœceses suorum Suffraganorum. Nam tali casu procedit ut Superior; sed hoc limitat Castropolauis cit. P. 1. tract. 3. D. 6. p. 7. §. 3. n. 2. ut censeatur *Superior ad absolvendum, non dispensandum.* Nam in c. *fin. de censibus in 6.* expressè habetur, Archiepiscopum in visitatione suæ Provinciæ (quam libere suscipere potest, etiamsi sui Suffraganei non sint negligentes) posse audire confessiones omnium, absolvere, & penitentias imponere; quin fiat mentio facultatis dispensandi.

Ex dictis colliges 1. Archiepiscopum cum subditis suorum Suffraganorum posse dispensare in casu ad se per appellationem devoluto, si in eodem dispensare possit cum suis. Nam in ejusmodi casu est eorum Ordinarius Superior, & Juxta, per n. 1125. Collig. 2. Archiepiscopum non posse dispensare cum subditis sui Suffraganei, dum visitat provinciam *ex num. 1125.* nisi hoc exigeret urgens necessitas, quæ sufficit, ut jure extraordinario tunc procedat juxta dicta in præmissis; & l. 4. à n. 2043. nec etiam ex hoc, quod remittatur ad illum extra casum appellationis legitimæ, vel deviationis ob injustitiam, aut negligentiam sui Ordinarii.

Nam sola remissio ad illum non est justus titulus prorogandi jurisdictionem.



ARTI-